



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Gregorij Typhernatis.

urn:nbn:de:hbz:466:1-13534

GREGORII TYPHERNATIS.

Pontanus tumultum salutat.

Gregorio sit terra leuis, uer assit & urna.
 Terra ferat flores, urna liquore fluat.
 Plaudat & huic Latium tumulo, plaudatq; iuuentus
 Itala. Gregorio et umbria plaude tuo.

FRANCISCI HIACHINI

Grammatici.

Non tibi certa domus fuerat, non culta supellex,
 Mensaq; uix tenuis docte Hiachine focus,
 Hoc ex morte tibi lucri est, quod nulla supellex,
 Non focus ipse opus est, quod tibi certa domus.

MASVTII SALERNITANI

fabellarum scriptoris.

Hic quoq; fabellas lusit, tinxitq; lepore,
 Condit ornatis & sua dicta iocis.
 Nobilis ingenio, natu quoq; nobilis, idem
 Et doctis placuit, principibusq; uiris.
 Masutius nomen, patria est generosa salernum,
 Hæc simul & uitam præbuit, & rapuit.

AVRELI I INFANTVLI. MATER

ad sepulcrum queritur.

Has tibi pro mammis lacrimas, proq; subere fletum.
 Nate cape. has lacrimas subera nostra puta.
 Quiq; tibi ad cunas cantus, quæ nenia quondam,
 Hi tibi nunc questus, hic tibi sit gemitus.